



TOSHKENT DAVLAT YURIDIK UNIVERSITETI REKTORINING B U Y R U G ' I

05.12.2024

887-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet faoliyati haqida noto'g'ri munosabat, fikr-mulohaza shakllanishiga, universitet obro'siga, universitetda yaratilayotgan ochiq-oshkoralik siyosatiga zarar yetkazadigan qasddan harakatlar qilinib, universitet Odob-axloq kodeksida belgilangan qoidalarini buzish holatlari kuzatilmoqda.

Jumladan, 2024-yil 8-noyabr kuni soat taxminan 13:00 lar arofida Jinoiy odil sudlov fakulteti 4-kurs talabasi Ummataliyev Jamoliddin Xusniddin o'g'li universitet 2-binosi oshxonasiga kelib, o'zining kursdoshlari Baxodirov Sardor Abror o'g'li va Zaynobiddinov Islomiddin Iqboliddin o'g'liga boshqa talabalarning oldida uyatsiz so'zlar aytib ular bilan muloqot qilgan.

Mazkur vaziyatda ushbu joyda bo'lgan Xalqaro huquq va qiyosiy huquqshunoslik fakulteti 2-kurs talabasi Xodjimurodov Sardor Yunus o'g'li talabalar J.Ummataliyev, S.Baxodirov, I.Zaynobiddinovlarga jamoat joyida behayo so'zlarni ishlatmasdan gaplashishliklarini aytgan vaqtida ularning o'rtasida o'zaro nizo kelib chiqib universitet 2-binosining orqa tomoniga o'tishgan va talaba J.Ummataliyev talaba S.Xodjimurodov bilan nizolashib turgan vaqtida talaba I.Zaynobiddinov ularning oldiga kelib talaba S.Xodjimurodovning yoqasidan ushlagan vaqtida talaba S.Baxodirov kelib talaba S.Xodjimurotovning bosh qismiga qo'li bilan ikki marotaba urgan.

Talabalar Ummataliyev Jamoliddin Xusniddin o'g'li va Zaynobiddinov Islomiddin Iqboliddin o'g'li o'zlarining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003- yil 22-fevral) 43-bandi hamda Toshkent davlat yuridik universiteti Odob-axloq kodeksining 15-modda 2-xatboshisi (o'z harakatlari bilan Universitet imijini saqlash va oshirish, Universitet,

uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan Universitet haqida yuksak ijobiy taasurot uyg'otish), 18-modda 1-xatboshisi (talabalarining o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda 2-xatboshisi (talabalarining o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik, behayo so'zlar ishlatish, mushtlashish qat'iyman etiladi), 26-modda 4-xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da belgilangan qoidalarini qo'pol ravishda buzishgan.

Talaba Baxodirov Sardor Abror o'g'li o'zining yuqoridagi xatti-harakatlari bilan Oliy ta'lim to'g'risidagi nizomning (ro'yxat raqami 1222, 2003- yil 22-fevral) 43-bandi hamda Toshkent davlat yuridik universiteti Odob-axloq kodeksining 15-modda 2-xatboshisi (o'z harakatlari bilan Universitet imijini saqlash va oshirish, Universitet, uning xodimlari, talabalari va doktorantlari nomi va manfaatlariga asossiz ravishda ziyon yetkazadigan harakatlarni amalga oshirmaslik, shuningdek, ular bilan muloqot qilganda o'zlarining namunali xulq-atvori bilan Universitet haqida yuksak ijobiy taasurot uyg'otish), 17-modda 2-xatboshisi (har qanday huquqbuzarlik yoki jinoyat sodir etish), 17-modda 4-xatboshisi (tinchlik yoki osoyishtalikka qarshi tajovuz qilish, janjallashish), 18-modda 1-xatboshisi (talabalarining o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 18-modda 2-xatboshisi (talabalarining o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik, behayo so'zlar ishlatish, mushtlashish qat'iyman etiladi), 26-modda 4-xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilish)da belgilangan qoidalarini buzgan.

Yuqoridagilarni inobatga olib, Oliy ta'lim to'g'risidagi nizomning (ro'yxat raqami 1222, 2003-yil 22-fevral) 51-bandi va universitet rektorining 2023-yil

31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan, shuningdek, universitet Odob-axloq komissiyasining 2024-yil 21-noyabrdagi 42-son yig'ilish bayoniga muvofiq,

BUYURAMAN:

1. Toshkent davlat yuridik universiteti Odob-axloq komissiyasining 2024-yil 21-noyabrdagi 42-son yig'ilish bayoni ma'lumot va ijro uchun qabul qilinsin.

2. Universitetning Odob-axloq kodeksi 15-modda 2-xatboshisi 18-modda 1 va 2-xatboshisi, 26-modda 4-xatboshisi talabalarini buzganligi uchun Jinoiy odil sudlov fakulteti 4-kurs talabalari Ummataliyev Jamoliddin Xusniddin o'g'li va Zaynobiddinov Islomiddin Iqboliddin o'g'liga hayfsan intizomiy jazo chorasi qo'llanilsin.

3. Universitetning Odob-axloq kodeksi 15-modda 2-xatboshisi, 17-modda 2,

4-xatboshisi, 18-modda 1 va 2-xatboshisi, 26-modda 4-xatboshisi talablarini buzganligi uchun Jinoiy odil sudlov fakulteti 4-kurs talabasi Baxodirov Sardor Abror o'g'liga hayfsan intizomiy jazo chorasi qo'llanilsin.

4. Fakultet dekanlari (Sh.Saydullayev, D.Umarxanova, D.Mamasobirov, B.Musayev, A.Babadjanov) mazkur buyruq mazmun-mohiyatini talabalarning shaxsini sir saqlagan holda talabalar e'tiboriga yetkazilishi va har bir akademik guruhda keng muhokama qilinishini ta'minlasin.

5. Jinoiy odil sudlov fakulteti (D.Mamasobirov) mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

6. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

D.MAMASOBIROV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Direktor

SH.PO‘LOTOV



Katta yuriskonsult

A.TURSUNOV

